



*Tu participación, es
nuestro compromiso*

INSTITUTO ELECTORAL Y DE PARTICIPACIÓN CIUDADANA DE TABASCO

Kä'kojtupä tumä

**TZAMERAM TZYAMPA'PÄ'IS SONERAMPÄ TZAME WÄKÄ KYOKENA TZÄKYIRAM
NYITZÄJKYAJPAPÄ'S KYIPKUY ANHKYIMKUY YOMO KORROYA Y MIETZKÄ'YI MUJSÄ
WÄ IJTYA'E MUMU TUJK KO'PIJKUY ANHKYIMKUY PÄT, 2020- 2021.**

WI'NAPÄ NÄYI MYUMU ANHKIMKUYJAYE

WI'NAPÄ MÄJA NÄYI

**Mpoyanh'äpyapä y ti' ma' n tzäiki, jurä maka yose, jujxye maka näktyäyi y jurä maka
anhkimyaje.**

Ko'wene tumä. Yä jaye tzame'is mietzpa wä' ijtkuy tzyamawajkpamä tunh'tumä, nitipä tzäiki'is maka yajk tzunh'iy, tzame tzyunhkuy maka ijri te' tzamawajkuy kopinhkuy mäja kupkuy anhkimkuy'omo. Jujxye tzyampase kipkuy anhkimkuy, yomokoroyaram (VPCM). Te'is nyä ijtyajpa anhkimkuy tzame te' wä' ijtkuy y te' anhkimkuy'omo y te' kopinhkuy'omo te' yomo'is nyeram. Te' istam mietzyajpa wäpä ijtkuy yomokoroya y pätkoroya mumu yoskuy kopinhkuy'omo 2020-2021.

Te' jaye tzameram, ijtu pyä'nakyuy tzame tzyampase te' mäjäpä anhkimkutyäi nyäimayajppapä kastiya'omo: Sala Superior del Tribunal Electoral del Poder Judicial la Federación'isnye jure wyätzä'kumä te' totoram, SUP-JRS-14/2020, Tejerike te' näyi makyuy'se tzyampapä kätppapä yäty maksupy'ä wätzäjkokiuy mäja kupkuy'is 214, jaye tzä'ki makyuy, 174, nitzäkupä yätkometza te' agosto poya 2020.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

Ko'wene metza: su'papä mpoyanh'ä. Päjkpapä wäpä tisepä tä tzäjkä te' anhkuyimkuy tzameram sonerampä tzame anhkimkuy jujtzye tzyamanhwajkpa te' VPCM wä' meks ijtyia'ä, winhtzyampase te' miumu ankimkuy tzame'is kioketyajpapä yomo wäkä nyä' ijtyia'ä wä' ijtkuy y jana nyä'sya'ä y myumu anhkimkuy tzame ijtkuy tzyama'wajkpase te' kopinhkuy, tejerike jaye tzyampase wäkä wä' kyänatzyaä' te' jayupä nkowaäjpäpä te' VPcM yä' wyinanh anhkimkuy kopinhkuy y nkäkosa' y nkokena ke te' myä'tzäyajtpapä'ia kopinhkuy y kyoketyä wyinanh kyoketyajpapä'is kopinhkuy nyitzäjkpamä wä' myumu meks ijtkuy.

Ko'wenan tu'kay: myumu tzameram. Te' yätipä anhkimkuy tzame tä' näjkyipya :

Myekspapä'is tyunh anhkimkuy: pä't pyoyanh'äpyapä anhkimpapä kopijkuy wäkä mujsä jyiayä y miejtza anhkimkuy, te jaye npoyanh'äpya tyunhpä ka' japyia tumä mekspapä anhkimkuy, winapä tanhkuy kyiepapä wäkä wyä'ajä tzyampase anhkimkuy' tzame'is.

Tumä'ajyapa'äjk: Tumä ijtkuy tumupä jure muspamä tumya'e tumä o metza myetzyajkpapä'is anhkimkuy, tumä ijtkuy, tumyajpa firma kä'mä jaye tanhkuy tu'mupä, wäkä mujsä tä' jayä mye'kstzyajpapä'is anhkimkuy tumä tzä'ki kopimkuy.

Ankimyajpapä mäjaräjkomo Anhkimyajpapä kyetyajpapä'is jikä päntam myetzyapapä'is anhkimkuy Tabascopä.

Konstitución Käsipä Anhkimkuyjaye myumupä kupkuy tumä'ayajupä mejikoisnye.

Konstitución Käyipä: Anhkimkuyjaye tujkupä nyepä Tabasco'isnye.

Instituto Electoral: Täjkankimkyuy ketpapä'is myumu makapä ankimya'e.

INEGI: Anhkimkuytyäjk jurä ma'yoyajpa y kyetyajpa ankimkunasjkojame.



*Tu participación, es
nuestro compromiso*

INSTITUTO ELECTORAL Y DE PARTICIPACIÓN CIUDADANA DE TABASCO

INPI: Anhkimkuytyäjik myumupä orekupkuyisnye Tabascopä.

Wiyunhajkuyomo: Ankimkuyjaye kyetajpapäis te' eleksion Tabasko'isnye.

Myumumu Wiyunhajkuy: Myumupä anhkimkuyjaye tzunhyaajpapä jurä kyetajpa te' eleksion.

Anhkimkuyjaye kotzon'opyapä: ankimkuy jurä koonyaräjikpa myumupä yomoram jana nyä kijpya'ä.

VPcM: myumupä kipkuy tujkpapä yomokäsi y wirkäsi yomo'ajkä.

Te' tzameram y te wyinarampä jaye ja ky'etyäepä yä'omo maka iri tzyampase te' näyi makyuy metza te' anhkimkuy kopimkuy te' anhkimkuy ko'pimkuy.

Ko'wene majkskuy: muspapä nko'kena wyinkäsi. Te' wiyunhijtkuy nko'kenhkuy mietzya'papä ankinhkuy y te'yomo ko'pinhkuy täjkäyajpamä. Taserike myumu tzamtäkyuy jana eya'ajä ni'iyä y jarä nitipä nakskuy jure yajk anhkimiajapamä kokenhkuy tzyampase te' mäjäpä anhkimkuy päät ijtpä wiyunh'ijtkuy'koroya wäkä wä' ijtyi'ä.

Ko'wene mosay: ne'kupä tzapkuy tzäjki. maka mujsi yajk tanyä'e ne'kupä tzapkuy tzäki, taserike te' anhkimkuy tzame Ley General de Acceso a una Vida libre sin Violencia, jujtzye tzyampase te' majkskuy mäjä näyi, te' kipkuy najkskuy toya anhkimkuy, taserike te' kipkuy najkskuy toya mikspapä'is anhkimkuy y te' mäjä näyi tu'kay wenhkuy anhkimkuy tzäjki, wäkä kiosya'ä y kio'ketyia'ä sunh' ijtkuy y yajk koyo'yaä y tese ya'ä kipkuy najkskuy yomo käsiram y taserike te' majkay jaye tzäjki, te' Instituto Nacional Electoral y myumu ijtkuy ko'pyijku tzäjki y te' Ley General de Instituciones y procedimientos Electorales, te' näyi makyuy tu'kay makiuy tumä, K) koma, ku'yay y mosay, majkay, tumä jaye koma g), l'pskomajk metza tumä koma B), Wenhkuy majkstujtay, wajstäjkis' ko majkskuy makiuy tumä koma G), mojsis ko' majkskuy, yojtis ko' majtajsis jaye tumä koma f), mojsis ko' majktajsiskomajk majkskuy



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

makyuy tumä jaye koma i), mojsis ko' majktajsiskomajk mosay, tumä mone wajstäjkiis ko metza makiuy metza y tesorike.

Ko'wene tujtay: näjkyäpyajpä ne'kupä tzapkuy. Näjkyäpyiajpä te' nejkupä tzame maka tzäjkyia'e tzyampase 'yijtkuy tzäjky'is. Tejerike tzyampase te' anhkimkuy tzame näyi tumä te' Constitución Política de los Estados Unidos Mexicanos, mosay, makiuy metza makiuy te' Ley General de Instituciones y procedimientos Electorales, tu'kay, metza makiuy te' Ley Electoral y de Partidos Políticos del Estado de Tabasco. Te' Constitución Política de los Estados Unidos Mexicanos, winapä nyejkä wiyunhijtkuy.

Ko'wene ku'yay: Winarampä wiyunhijtkuy pänisnyeram. Maka yajk tunh'ya'e yä ne'kupä tzame te' winarampä pä't wiyunijtkuy ji' yajk tzunh'ijpä y tunh'ijtyajpa. Yenhpapä y myumu koroyaram.

METZA JAYE'ISNÄ'YI

ANKIMKUYJAYE KYETAJPAPÄIS TE' ELEKSION TABASKO'ISNYE

WI'NAPÄ KO'WENUPÄ JAYE

Winapä yoskuy tzä'kiram kopinhkuy'isnye.

Ko'wene tukurujtay: Winarampä wä' meks ijtkuy. Te' meks ijtkuy makapäre ijri teyi y winarampä ijtkuy. Tä pätpa te' metza ko'wene'omo A jaye tumi'omo, wenhkuy VII, 35 jaye tumi wenhkuy II, 41 wenhkuy tumä, 53 y 56 te' constitución Federal, tesorike winasepä ijtu te' kopijkuy tzyampase jayupä te' ko'wene 32 makyuy metza, koma B), wenhkuy IX y 35 tumä makyuy te' myumu anhkimkuy, tejin nkokenhpä wäkä myumu tzamtäjkyä'ä yomoran y pantäm, nyejkoroya wynan jayaju wäkä tyum ijtyä, tum täumä suny ijtkuy'omo.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

Ko'wene majktujtay: winarampä meks ijtkuy y jana 'emä kyojtya'e ji' suntäy'ipä. Tekoroya te' wina'pä meks ijtkuy y jana 'emä kyojtya'e ji' suntäy'ipä winan ijtyaju te' Constitución Federal, te ko' wene tumä'omo jaye Cuarto, jure tzyampamä ke ji musi tä' emä kora ji' sunipä päť, ji suni anhkä ijtkuy y ka' eyapäre ka' yomoramtä o päntam, 'yiamekoroya, ka' yaksyujupä, ka ijtu o jarä tyumin, ka wäri ijtpa o ka'eijtpa, wanhjampapä, ko'kipspapä y tzampapä, yomo o päť sutpapä, mij nkorajk ijtkuy o soka ijtkuy, o eyapä' is tzyempapä päť wä ijtkuy y syupapä tä'ä wiyunhijtkuy pänisnyeram.

Makapäj k yame myumu kopinkuy, maka kiosya'e kioketya'e maka ijri winapä meks wä' ijtkuy y ji mujsi eya'ajä ni' ijyä.

Ko'wene majkay: ni'tzyunhkuy jana' 'yiräpä kokipkuy toya. Te' wiyunhijtkuy mietzyajpapä'is anhkimkuy y kopinkuy maka ijtya'e jana kipkuy toya yomä kämä, jana yajk eya'ajä ni'iyä y tesorike päñse.

Ko'wene majktumä: ni'tzyunhkuy tzäki kopinkuy. Teserike ni'tzyunhkuy tzäki ijtpä wiyunhsepä, wiyunhpäre, tyum päre, tyänhpa tzyampase jene tzyanhnä'pä, ji tyokoye tzäptäkuy, tesorike wäkä täsa' y myumu tzäki pijkpapä te' Instituto Estatal. Winanh ijtpä te' ko'wene 102 te' anhkimkuy kopinkuy, maka tä ko'se y ko'kene jomesepä yoskuy ni'tzunhkuy kopinhkuy, maka tsäjki'e jojmo myumu yoskuy y anhkomo te' Instituto Electoral. Mieks kokenhpamä yomo y päť.

Ko'wene 12: Nujkku wäkä yajk yosa jujtzye tzyampase nitzunhkuy'omo. Te' Instituto Electoral. Te' mietzya'piapä'is anhkimkuy, tesorike myumu yosyajpapä kupkuy'omo anhkimkuy'omo, maka kioketya'e ni'tzunhkuy meks wä' ijtkuy y tzyampapä ko'weneram winapä, wäjkä yajk ta'nya'ä wiyunhijtkuy mietzyapapä'is anhkimkuy kopinkuy'omo. Y tesorike nkokena wiyunhijtkuy yomo'isnyeram.



*Tu participación, es
nuestro compromiso*

INSTITUTO ELECTORAL Y DE PARTICIPACIÓN CIUDADANA DE TABASCO

METZAPÄ KO'WENUPÄ JAYE

Konsejo tabsko'isnye y ankimkuyyäjki'is tyzame

Ko'wene 13 Kokenhkuy wäkä tzä'kä Te' Consejo Estatal'is. Te' ko'wene 106 te' anhkimkuy kopinhkuy'isnye. Tzyampa ke te' Consejo Estatal pijkpa' kiokena wäkä tya'nä ijtupä jayupä mäja anhkimkuy'omo y wiyunh tzyampase kopinku'is. Taserike maka kiokene. Ke te' ni'tzyunhkuy ijtupä yajk tunh'ajä yoskuy anhkimkuy'isnyeram.

Tzyampase te' ko'wene 35 makiuy tumä, te' Myumu anhkimkuy'isnye, Te' Consejo Estatal del Instituto Electoral, te'is maka kiokene ni'tzyunhkuy meks ijtkuy, yajk tunh'ajä yoskuy tzäki y täsku'omo, yajk kora meks ijtkuy pä't y yomoram.

Ko'wene 14 Muspapä tzyäjkä Consejo Estatal. Jujtzye tzyampase ko'wene 38. 106 y 115 makiuy, wenhkuy IX y XXXIX, te kopinhkuy maka kiokene yoskuy ke te miekspapä'is ankimkuy y tunhkuy miekstzyapapä'is anhkimkuy, y myumu yoskuy tzäjkia'e tzyampase anhkimkuy toto jaye. Anhkimkuy jayupä yajk tzäjkpapä tyoskuy'kämä te' kopinkuy' anhkimkuy.

Ko'wene 15 Te' kioketyajpapä'is wiyunhijtuy myumu pänisnyeram. Syutpapä kiokena wäkä tyanä' myumurampä tiyä y kioketya'e te' meks wä' ijtkuy y jana eya' ajä' eyarampa. Te' Consejo Estatal del Instituto Electoral. Maka kyore is makapä kiokene meks ijtkuy päntamisnyeram y jana ella'ajä, taserirke maka nyä' ijri tu'kay pä't o yomo kopinkuy, eyapä anhkimkuy'se. Tzyampase anhkimkuy tzame meks ijtkuy ni'tzyunhkuy ijtuse wäkä wiyunhijtya'ä päntam.

Ko'wene 16 Pijkpapä wäkä tzäjkä te' anhkimkuy kietyajpapä'is myumu tiyä kopinkutyam y anhmakyuy wäpärapä tzäki wäkä meks ijtya'ä päntam. Supapä sya'jä anhkimkuy kietyajpapä kopinkuy y te' wäpä ijtkuy te'is maka yajk tzäjkya'e wäpä meks ijtkuy panisnyeram y maka yajk ya'e kipkuy toya yomo'isnye. Taserike pijkpapä wäkä



Tu participación, es
nuestro compromiso

INSTITUTO ELECTORAL Y DE PARTICIPACIÓN CIUDADANA DE TABASCO

tzäjkä täsykuy'omo jujtzye jayuse te ko'wene 121, te' anhkimkuy kopinkuy'omo. Syajpa tä tzampapä:

1. Tzäjkpa y tzyampa muspapä tä' sa'jä y tä' isanhtzi'ä anhmakyuy'omo wäpä meks ijtkuy yomo y panisnyeram y nkänatzä wiyunhijtkuy yomo'is nyeram. Te' kopinkuy ijtkuy'omo. Tä supapä yajk yosa mäja anhkimkuy ijtkuy'omo;

Maka tzäjki tzamawajkuy wäkä myusya'ä y jana nyujkä, maka kioketya'e y tese maka ya'e te kipkuy Toya miektzyapapä'is anhkimkuy tese maka ya'e kipkuy' toya yomokämä wäkä sunyi 'yijtya'ä.

2. Maka mietzye wäkä jyaya'ä toto wäkä nyä ijtya'ä wäpä anhmakyuy wäkä meks ijtya'ä yomo y päntam. Y miekspa kioketya'ä yomos'is wiyunhijtkuy ijtkuy mietzyapamä anhkimkuy y te' täjk anhkimkuy'omo. Tzampa wäkä yajk wiyunh mawä te' anhkimkuy me'tze y tese maka 'yisanh'tza'ä wäkä myusya'ä wäpä ijtkuy mietza'papä'is anhkimkuy, myumu yomoram y päntam. Y tese maka mujsi tzoke wärapä pänt.
3. Maka 'yanhmaya'e myumu yosyajpapä te' täjk kopinkuymä wäkä kioketya'ä y ya'ä kipkuy toya mietzyajpamä anhkimkuy yomokoroya wäkä wä' ijtya'ä, y mieks ijtya'ä päntam y yomoram.
4. Myumurampä yoskuy pyijkpapä täjk anhkimkuy'is, maka mujsi tyanä täskuy myumu wenupä ijtkuy'omo. Y käweyajupä y muspapä'is sya'jä anhkimkuy.

Ko'wene 17 Tyosjkutyam te' wenyajumpä'omo kupkyutyam. Kä'kojtäyupäse te' yosykuty kejpase makyuyomo 130 te' anhkimkuy elktoral'isnye, yajk kopujtpa wäkä tzyamanke'a y tzyäjkmijsä, nep' myeztyajusen'omo te' anhkimkuy, muyutekäsi wäkä



jana nyä kijpya'ä yomo y musjä tä nko'onya'ä te' VPcM, te' anhkimkutyäjki'is musjpa kyena yä'se:

1. Tzyäkä yosanh jurä yanhkimya'ä erampä, yanhmaya'ä päntam y yomoram wä'ä yijtya'ä y te'se erampäkäsi mujsä ompa'ijtya'ä myumupät te' myetzyajpasenh'omo anhkimkuy.

2. te'pä jama tä kotzokya'ä myumupä tzamanhkejkyu, onkuy o kijpkuy ne' tyujkupä y ne' nyetyajupä te' anhkimyajpapä'jinh, jujztye kejpa te' anhkimkujaye'omo myakyu 9 jayeanhkimkuy juä muspa wya'koya y 30 makyu 2 te' myumupä anhkimkujaye.

TU'KAPYÄ JAYE'ISNYÄYI KIJPKUY TE' MJOMOKÄSIPÄ

WINAPÄ JAYE

Mujsokyuy, sunyijtkuy, iramte y anhkukamäkyuy

Kowenan 18 Mujsokyuy. Te' kijpkuy yomäkäsi jikte myumupä kisyka'kuy tujkpapä te'koroyaram, ko'onhkuy, tzajkpä'okyuy, tä'jokpasenh'omo, tujkupä tunh'ajkyuomo, nahkomori'a o täjkomo o sonepä pänh'omo, jurä yajanhnyekayajka, yajk tzunh'ajya'ä o tzyakuztyiyajpamä wäkä tyäjkäya'ä makamä mye'tzyae anhkimkuy tumäpä o myumupä yomoram, te'se mujsä tyäjkäya'ä y jana kisayarä'ä tyojskyomoram, tisepä tzyäki'omo y te'ese sa'sa yajk kopujtya'ä sonepänh'omo te' tyosanhtam y nye'kä jujztye ne' sutu tyumya'ä, jujztye kyipsyajpa mietzyae te' anhkimkuy, ka tyumkäyira, sonemekyajupä, nyekä syutyajpase.

1. Maka tä näkjtyäyi myumu tzäki ji' tzyäjkya'epä o ji' kyopuripä myumu jikä yosanh yomokäsipä yomo'ajkä, tyotzäjkpa'äjkä nimeke o ka' tyajsyutzäjkyaajpa yomo'ajkä.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

2. Musjpa tä nämä ka' kijnkutyemyumu jikä kijsyka'kuy yanhkerpapä te' anhkimkujaye'is tyäjkäkyuyomo y musjpa tzy*ajkya'ä jikä pänistam kejpapä te' wenanjaye'omo 20 yä anhkimkujaye'isnye.

Kowenan 19 Sunyijtkuy. Wäkä sa'sa kyopurä yäkirampä anhkimkujaye, makapäre' mujsi kyäwa'koya'ä yäserampä tzame yomäkäsi ne muietzyajupä'is kyoanhkimya'ä kyupkutyam:

1. Jana yajk kopujtya'ä tya'nemä myumu jikä wiyunhankimkuy yä tä nasamorampä y myumupä nasakopajkäsi kyetyajpapäis te' yomo'is wäpä yijtkuy;
2. Jana tä päjkintzyonhja kypsokuy o täjk tzunhja myayemä päntam nyekä kyena ir ene sutu kyopiwä o jana yajinhtyukä tyumpkyuy erampä partitoinh, tyumyajupä päntam y te'se myumu tiyä yomopäkäsi;
3. Tä' käwäjna tiserampä totojaye, mujsokuy o yajanhneka toto jurä kyotzajpyajpa jujztye jyatyäjkäyajpa wyntam o tiserampä tiyä jurä yajinhtyukä myumpä tyosjkuy te' yomo'isnyeram.
4. Ntzi'ä te' yomoram erampä tzame, komeke jikä yomoram ne' sutupä kyo'anhkimya'ä kypkuyomoram, te'se jana mujsä tyäjkäya'ä o jyakimya'ä wyintam ji' tyse'ajemä.
5. Tä' sa'jä ore ja' tyanäpä o tä' nkomejkaya'ä jikä koanhkimyajpapä, kyetyajpapä'is totoram, wa'koyajpapä y iramte yosyajpa te' anhkimkutyäjkomo wäkä jana jyakimya'ä yomoram jujztye koputpasenh'omo.
6. Ntzi'ä yomoram erampä tzame, komejkaya'ä ne' sutupä kyo'anhkimya'ä kypkuyomoram, te'se jana mujsä tyäjkäya'ä o jyakimya'ä wyintam jujztye tzamajtyäjpä wiyunhajkuyomo.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

7. Ntzäjktokoya te' erampäis tyoskutyam wäkä nyukä'ä o me'tza jztye jana nyukä tumä yomo te' anhkimkuyomo.
8. Ntzamanhkea, nkomeka o nwe'a sonepän'omo jujztye te' yomo jinte wäpä yanhkimä o tisepä tiyä ntzamä tyopyapä yomokora ne' myetzupä'is anhkimhkuy, jurä te' yomo tzya'kuyi'ya'ä, kyisaya'ä o jana sa'sa parejo kye'a yomo'is tyosjkuy, te'päkorya mijtzi ya'ja kyene o yajanhneka te' tyujk.
9. Yona, nkomeka, nkyipä o tzamä tiserampä oretopyapä yajk yukpapä'is te' yomoram ne' makupä kyoanhkimya'e, onhpojya'ä o mpäjkiintyäjkä te' tzameram yajk toyajpapä yomoistam te'päkorya mijtzi ya'ja kyene o yajanhneka te' tyujk.
10. Yajk kea yomo'iskyene, tzyame o myumu jik'Patzäki nyepä te' yomo ne' myetzupä'is anhkimkuy, sonepänh'omo, ankorä'a o tyänkutyäjkomomo wäkä mujsä tä nikutzamä, anhkuma'kä o jojowi yajk yu'ka tyhuk jikä untzamejinh ka' jinte mujsipä yosa y te'se tä yajintyujka tyosanh.
11. Tzäjknatzä o kämawä tumä o sonerampä yomo, tyäwäram o ijin ne' tyosjtumu wäkä jana'am tyäjkä y ztyakä te' ne' sutupä'ajk'a yanhkimä o jikä yoskukyoroya wejatyäjupä tzya'kä.
12. Tä yajintyukä ankejurä, jikä yomoram tzaptiräjupä anhkimkuy o jyakimyajupä'istam wyintam jana pyäjkiintzyokya'ä yanhkimkuy, jana myakyaoä tumkuyomo o tiserampä eyapä yoskuy o wejatyäjpamä jurä maka pyäjkiintzyonh'ajya'e kyipsokutyam y tes'e tyajanhnekyajpa poytoram.
13. Yajintyuka pyämi te' yomo ne' sutipä yankimä myumupä tzäkijinh o tisepä orekipsokyuy ijupä kupkuyomora y te'se jujztye nye u erampä'isnye jurä tyajanhneka te' yomo'is kyäräjkäkyuy.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

14. Tä' yajk päjkintzyowa ji' wäpäkäsi, ne' onhpäjkupä topyapä'oreomo pä't y yomokoroya, jik]ä erampä yoskukyäsi jurä musjpa anhkimya'ä y yosya'ä.
15. Tä' tza'kutzyi'ya'ä te yomoram ne' sutu'ajkä kyo'anhkimya'ä tzäpyaju'ajkä o ne' jyoku'ajkä une, makapä tzoke o ne' yunhketupäma, te'se tä' yajinhtyukä jana tyäjkä nitipä tzäki'omo o tä näpurä ne' kyätu'ajkä yäserampä tiyä y te'se erampä kisyka'kuy jurä te' yomo'is jene tyokopya.
16. Nä ki'pä, mpunh'ä, nukä, ojn tuminkäsi o nä ko'kipä nasj o täjk yomojinh jurä nyere myumupä wiyunhijtkuy;
17. Yajanhneka o ja'na ntzi'ä nitipä ko'yowa nyepä toysjkuy'isnye o tipänte yosjkuy ne' tzyäjku jana yajk pikä nitiyä, tesorikä te' kyoyo'akäsi, kyoyosjkuyinsye, kyutkuyisnye y erampä tZämiram wa"pä tzyiya'ä anhkimpase, tyumä'ajkuyomo.
18. Tä' anhkimä o ji' wyäpäkäsi, tä' yajk äjkinhzyowa natzejinh wäkä jyomka toto nyäyikäsi o jitkora nyäyi.
19. Ja'na yajk kopurä o yajk kärä tisepä anhkimkuy yomo'isnye wäkä anhkena myumu te' ne' sutupäse 'yanhkimä.
20. Yajanhneka o ja'na ntzi'ä nitipä ko'yowa nyepä toysjkuy'isnye o tipänte yosjkuy ne'aju te' ko'anhkimyomo ne' muyeztumä anhkimkuy, te'se yajinhtyujka yankimkuy tumä'ajupä.
21. Tä' mhkora wa'kokyuy o tä anhkukamä isepä ji' wyinserampäkäsi, te'se tä yajintyu'kapyasenh'omo te' tyunhk jana'am pyoyanh'ä anhkimkyuy, o
22. Tiserampä tzäki yajk toyapajtpapä'is, 'tyajapyapä'is wäpä kyene, wäpä yijtkuy, y te' sa'saajkuy witpamä myumurampä yomo'isnyeram te' ne' kyämejkäyumä anhkimkuy kupkuyomopä, myumupäkoroya o nyekä ne' syutupä wäkä tzirä'ä y yäserampä tzäki'is tyajintyukä.



Kowenan 20 *Iramte.* Maka ko'ispäjkyarä'i iramte te' pät o myomoram te' VPcM'isnye, yäram:

1. Myumu komi anhkimyajpapä
2. Kyäuneram anhkimyajpä'isnyueram
3. Ntäwäram yoskuyisnye
4. Päntam yomoram kyoanhkimyajpapä'is partitoram
5. Kyämajkyajpapä'is partitoram
6. Myumu jikä ne' syutupäis anhkimkuy jyakimyajupä'isanh wyintan te' partito'omo ne' syutyajupä
7. Myumurampä kyotzajpyapä'is jujtzye ne myaku te' yoskujy
8. Tyumpä yomo o pät, sone'ajyajupä pät o yomo tyummyajupä.
9. O tiserampä tiyä tzapyaräjupä te' makyuyomo 335 te' anhkimkujaye elektoral'isnye.

Ko'wenan 21 *Yajintyujkuy ja'na kyipyä'epäkoroya.* Myumupä pät y yomo ne' makupä'is tzyäjkiisi myetza te' anhkimkuy, teser'a tyumti o te' partitojinh, te'se anhkena eyapä pät o yomo ne' zutupä yanhkimä makapäre kyene jujtzye jaja myetza kijpkuy yomojinh o myetza tzame jojorampä yomäkäsipä jurä tzya'kutzyi'ä o yunhtzajma erampä ne' sutupä yanhkimya'ä, yonhpoja partitoram, muymupä pät, anhkimkutyäjk tyumpärampä o myumupä pänis yajk yospapä.

Ko'wenan 22 *Toto ky'eyajpapä anhkimkuyisnye.* Te'se te' erampä toto kyeyajajpapä tzyampase te' Contitusion Lokalpä jyayewene'omo 11 myakyutyam 1 y2 anhkimkuyjyae



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

elektoral'isnye, tzamanhwajkuse ko'wenanjaye'omo 10 myakyuy 1 insiso'omo g) te myumupä anhkimkuyjaye, kyeyajpapäre wyiyunhkäsi wäkä mujsä pyoyanh'ä ko'anhkimkuy yä ne' makupä'omo myäjtzyä'e ko'anhkimkuy 2020-2021, jana nyä irä wa'kokyuy poltikakijpkuy.

Ko'wenan 23 *wa'kokyujkopujtuyomo.* Jujtzye tyzampa te' anhkimkutyoto'omo kejpapä ko'wenan 336 te' anhkimkuyjaye elektoral'isnye, tä' komujspa wa'kokyutye anhkimkuyjaye elektoral'isnye, myumu jikä tzäkiram ja' yajk kopuräpä sa'sa jurä mijtzi ji' ma' piktzeme ni'iyä y ji' ma' kyipi, maka yajinhtyuki myumupä kijpkuy politika'omo yomokäsipä o erampäkäsi, te'se jujtzye mäjanh'ajpa te' kijpkuy, musjapapäre' nyajk tzunhjaya'ä kujti te' koyo'a tzokyajpapäjinh te' partitoram jujtzye jama tzyajpasenh'omo, kejpase te' ko'wenanjaye'omo 347, myakyuy 2 käwenan III anhkimkuyjaye elektoral'isnye.

Te'se te' erampä ko'wenajaye'omo 336 y 337 anhkimkuyjaye elektoral'isnye, makapäre kyäwa'koya'e myäjanh'omo te' kijpkuy, te' kene ji' wyärampä tzyampase te'] constitution Lokalpä y te' anhkimkuyjaye elektoral'isnye, yäkirampä anhkimkuyjaye'is tzyampase, wyinajkuyomo te'pä jyaye jurä tzyampa tyajinhtyukä y yajk tzhun'ä myumupä kijpkuy yomäkäsi ijtpapä.

Ko'wenan 24 *Wa'kokyukäsi.* Wä'kä tyajanhnekya'ä kijpkuy ijtpapä te' VPcM'koroya, nujspa myäyi'ajä, kejpase te' kowenanjaye'omo 347 anhkimkuyjaye elektoral'isnye, tzamtäjpase yäki:

Partitoram politiko'isnye

1. Yajk tzunhjaya'ä kujtipä kupkuy koyo'a tziräjpapä o nyeajpapä, te'se jujtzye jama tzaptäjkpa täjkwa'kyuyomo.

Partitoram politiko'isnye y tumäyajupä erampäjinh



*Tu participación, es
nuestro compromiso*

INSTITUTO ELECTORAL Y DE PARTICIPACIÓN CIUDADANA DE TABASCO

2. Yajk tzunhjayaä nyäyi y jyakimkuy.

Pät y yomo ne' myeztyajupä'is koanhkimkuy y partitoram politiko'isnye

3. Ko'kejäyukam VPcM, tzame yajk yosupä ratiu'omo y telepision'omo, maka kyeya INe'omo wäkä te' jama yajk tzunh'ä myumupä ore, tzame tziräjupä ratiukoroya y telepision'koroya, tä' nyäkäsi i'isante kyetupä pänti'a o yomori'a, makapäre kye'e wäpä tzamejinh jana kyisaya'ä y te'se kyowätzäkä jurä korokoyumä.

MYETZANH'OMOPÄ JAYE

Jujtze maka tzäyi wa'kokyuy y erampä tzäki

K'wenan 25 Tiserampä wakokyuy yajityukyaräjpa. Jujtze kejpa te' kowenajaye'omo 355 anhkimkuyaje Elektoral'isnye, te' kowa maka tunhaje kyotzapyajpa'äjki myumupä kipkuy ne' tyajintyukupä'is myumu wäpä tzäki kejpapä te' anhkimkujayeomo Elektoral'isnye o te'se kejpase yä'ki tzyampase anhkimkuyaje'is, jujtze ne' tumäyu te' erampä anhkimkuyjinh y te' majkaypä jaye'näyikäsi kejpapä te' anhkimkuyaje'omo jurä mujspa tä wa'koya.

Te' ko'wenanjaye'omo ko'pujtpapä 470 te' myumupä anhkimkujaye'omopä, 361 te' anhkimkuyaje elektoral'isnye y 78 te' anhkimkuyaje'omo jurä mujspa tä wa'koya, te' wa'kokyuy maka kopuri nikuztamäyaräjuka myumu jikä pät o yomo ne' tyajintyu'kupä'is anhkimkuyaje:

I. Tyajintyukya'ä kejpapä te' ko'wenanjaye'omo 134 tujturuajtajpyä wenupäjaye te' Käsipä anhkimkuyaje y 73 käyipä jaye'is yankimuy.

II. Ji' kyopurise myumupä ore o tzame ne' sutupä yanhkimäpä'isnye.

III. Wyinajä te' ne' sutupä yanhkimä.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

IV. Tzyäjkyä'ä kijpkuy yomojintam.

Te'serike, jujztye kejapa te' anhkimkujaye ko'wenan'omo 92 anhkimkutyäjk jurä kyäwayoyajkpa y nyikutzamäyjaipa myumu tipä kijpkuy, musjpa kyäwejya'ä jaye; y ka' tujkpa'ä kijpkuy jurä pyäjkintyäjkäpya VPcM te' ko'wenajayeram 12, makyu 5, 13, makyuy 14, 15 makyuy 3 y 90 jurä kejpa yäserampä tiyä maka tzyäjkwatzäki y kyä'e myenakomo, te'se wäkä sa'sa wyä'ajä te' wa'kokyuy.

Ko'wenan 26 jujztyä tä ko'wät'zakä wa'kokyuy. Te' wäpä tzäki wäkä kyowätzäjkya'ä wa'kokyuy o te' nikutzämäkyuy te' kijpkuy yomäkäsipä VPcM, kejpa te' ko'wenajaye'omo 27 makyuy 3 y 85 te' ankimkuyjaye kotzame'isnye y wa'kokyuyisnye jurä tzyampä yä'se:

Wäkä koykena

I. Tä' kyosmetza jurä ijtu ji' wyä'anhkärirampä tiyä y sa'sa tä' anhkena;

II. Tä yajk ntzän'ä myumupä ore te' ne' kyisayaupä'kä y tä kotzamä myumupänjinh tikora te'se tujku;

III. Tzyäjkokätukam yäserampä kijpkuy sonenaka.maka yajk tzunhjaya'e te' koyowa tziräjpapä jikä pät ne' kyijpupä; y

IV. Yajk tzunhja te' tyosanh partito'omo nyä ijstupä, te' pät ne' kijpupä.

Jujztye tzamtäjuum wi'na, te' kyo'anhkimoyajpapäis täj elektoral'isnye, musjppapäre tzyäjkmetza tise pä wäkä mujsä kyokipä te' yomo y ji' tyesenh'omose, musjpa yanhkimä te' ne' wyä'koyupä jujztye'omo pyoyanh'äpya.

Wäkä tä tzäkä y tä yajk kopurä te' yosykuy jurä jana yirä natze y sa'sa anhkienokuy, anhkimkuytyäjkmä eltoral'isnye wäpäre syajä, myumupäkora te'yi yosyapapä o ne' kyetyajupä wakokyutyam, anhmayarä'ä y isanhtziyarä'ä sa'sa te' tyosykutyam:



Tu participación, es
nuestro compromiso

INSTITUTO ELECTORAL Y DE PARTICIPACIÓN CIUDADANA DE TABASCO

Kyowätzäjkyä'

- I. Kyokoyoja'ä ne' tyajsyutzäjkyajupä.
- II. Yajk wiruya'ä te' jama tyosykuyomo jurPa nyä'pujtyaju ne' nyä kijpyaju'ajkä.
- III. Kye'jaya'ä wäpä tzäki sone pän'omo, y+
- IV. Jana myenakwitu'ä.

Yäserampä tzäki makapäre yajk yosya'e jujtzyenh'omo kejpa te' kijpkuy.

Ko'wenan 27 Käwakokyuy yosyajpapäkäsi y erampä. Ijtukam wa'kokyuy kijokuy yomäkäsipä PVcM, te' yomo'isnye y päät ko'yospapä, jujtzye tzyampa te' kowenanjayezi 89, makyuy 2 te' anhkimkuyjaye wakokyuyisnye y nikutzamäkyu, te' jypäjkkkyajpamä maka yisanhsaje **tyosykukäsi** jurä nikutzamäyaju, tä kowinakäsi sa'sa anhkimyajpapä. Wäkä te'istam y jujtzye kejpa te myumupä wiyinhankimi'is wyätzäkyä'ä.

TU'KAY'OMOPÄ JAYE

Jyakimyajpää wyit Tabasko'nasjomo y erampä kijkutyam yomoisnyeram ne' sutupä yanhkimya'ä

Ko'wenan 28 myumupä tzameram. Jujtzye tzyaptumyaju käsirampä anhkimyajpapä'is ijtyajupä Sala Sueprior, wäkä wyä'tzäkyä'ä SUP-REC-91/2020, te' Jyakyimkuy myumupä wa'kokyuyisnye maka iri tyänemä myumupä'is nyäyijinh, jurä musjpa kyetya'ä eyarampä'is, te'se wäkä sa'sa kyopurä te' kijpkuy yomäkäsipä PVcM.

Te' Jyakimyajumä myumu Näyi Tabasko'pä, maka tzä'yi teyi wäkä wyätzäkyä'ä jujtzye kyetajpa wä'ä o yä' anhkimkuyjayejinh tzyäjkupä INE'is, te' eyapäjin tumäyuoä nyäjmayajpapä Registro Nacional.



Tu participación, es
nuestro compromiso

INSTITUTO ELECTORAL Y DE PARTICIPACIÓN CIUDADANA DE TABASCO

Jäsikam tujkukam te' Registro Estatal, maka jakimyarä'i myumurampä päntam jikä niwa'koyaräjpapä te' VPcM'jinh.

Jyakimutyam te' Registro Estatal'omo, jiksecte jujtzye'äjik nyä tzyampujtyajpa, jankena jana nyä irä erampä anhkimkuy, te' makapä wä'äje ka' te' anhkimyajpapä'is tyuntzapyajpa i'is myäyi'ajpa, yanhkukamäyajpa totowäkämä o tiyänte pyajtyajpa PVcM'jinh.

Ko'senan 29 *Jurä jyakimya'ä mäyi tujkupä VPcM'jinh.* Te' jama yampasenh'omo ne' myeztyajupä'is yanhkimya'ä, te' anhkimkutyäjik elektoral'isnye maka yajk tzäjkyae jurä jyakimya'ä myumupä näyiram te' kijpkuyisnye politika'omopä yomokäsipä, makapä tzunh'i te' kyonahkimyajpapä'istäjk elektoralpä, wyänhpäyajkpamä toto o wakotyäjkmäpä kyomujzyajpapä'is nikutzämäkyuy, wakoye PVcMpä.

Te'koroya, te Anhkimkutyä elektoral'isnye wäpäre nä tzamptumä te' anhkimoyajpapä wäkä yispäkya'ä wa'kokyuy ijtyajupä, kotzame, untzame y erampä kijpkuy, wäkä sa'sa tyumpäya'ä ore myäjanh'omo, tzyunkuyomo o juränte tukyajupä yäserampä kijpkuy te VPcMpä, jujtzye yajk tasyäyajpa te' totoram kye'yajpapapä anhkimyajpapä'is te'se wä tzyamanhkejya'ä te' jyakimyajpamä mymupä näyi nyä kijpyajpapä'is yomoram te'se yajk kopujtya'ä sa'sa kyeupä te' Sala Sueprior'is kejpapoä te' totowäni'omo SUP-REC-91/2020.

Wäkä tä mujsä tä tzamanhke'a myumu yä käsi tzaptäjupä, musjpa ke'a tzame, jaye o anhkimkuy yä'ki: [contencioso"iepct.mx](https://contencioso.iepct.mx)

Jujtzye kejpä te' wenanjaye'omo 91 te' anhkimkuyjaye wa'kokyuy y nikuztameyi'isnye, te' jakimkuy myumupä pänt y yomois musjpa kyena te' internet'omo Institu'isnye y mka yame tujtay ame te'yi.



*Tu participación, es
nuestro compromiso*

INSTITUTO ELECTORAL Y DE PARTICIPACIÓN CIUDADANA DE TABASCO

Te' Konsejo Tabaskopä'is, maka yajk kopuri y maka kyä'we'e jurä musjpa kyetya'ä sa'sa y jinhänte makapä tzyamke'e, jujztye maka tuki, nyäkä'omoram anhkimyajpapäjin, te'se wäkä jamakäsire nyä ijtya'ä jomepä jakyimi PVcM'isnye, jujztye tzyampa te Sala Superior'is myäyitzi'umä SUP-REC-91/2020.

MAKSKUY'OMOPÄ JAYE YOMO Y PÄT TUMÄ'AJKUYOMO

WI'NAPÄ JAYE Tzyamankejky, myujkuyomo, sa'sa kyenepatkuyomo

Ko'wenan 30 *Yomo y päät tumä'ajkuyomo anhkimkuysye.* Wi'na wäpäre tä kämujsä ka te' anhkimkuy kyorenpapä'is te' kijpkuy yomäkäsipä mujkpa te' Contitusion Federal'is y nyekpä anhkimyujaere myumu jikä ne' sutupäis myakä anhkimkuy jurä kyoanhkimyajpa anhkimyajpapä y ne' sutupä kyo'ankimä kyupkuykyoroya, te'isante maka yajk kopujtya'e myumurampä tzame jakyimupä yäki.

Ko'wenan 31 *Tzyamankejky.* Kejpase te ko'wenanjaye'omo 3 makyuy 1 wye'ne dBis) te' myumupä anhkimkuyjayeoomo, te' yomo y päät tumä'ajyajupä wäpäre tä kena myumupäpäre musjpa myetza ko'anhkimkuy, te koroya kujti wyenyajpa te' anhkimkuy ne' syutyajupä kupkuyomoram.

Ji' tyane'äjk u ka' sa'sa kujkomo te' anhkimkuy ne' wyeñaju'äjk, teyi makapäre mawä kujti te yomo y päät y kyäkotanh'äyajpapä yomore maka täjkäyi, te'e tzyampase te' eyapä totojaye'is tzyäjkpujtupä instituto'is, kyotzäjkyajupä 26 junio'omo yä ame'isnye y musjpa tä kena yäki CR/2020/022.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

Ko'wenan 32 Nkomukä te' yomo yPat tumäajkuyomo. Wäkä jyakimya te' ne' myeztyajupäis koanhkimkuy, te' partito'istam y erampä tyumpärampä, wäpäre kyetya'ä o tyunya'ä myumupä ajayeahkimkuy tzäyupä CE/2020/022 jurä kejpa jujztyere makapä tuki o tzyäjkyaee waäkä mujse tyukpäjkya'ä ne' syutyajupäis yankimya'ä kyupkuyomoram, rejituriyaram y diputadoram yä jama eleksion'isnyeram.

Ko'wenan 33 Anhkerkuy jujztye wäkä tyumä'ajä yomo y pät. Te'se tujkuse te' anhkimkuyjaye'omo kejpapä totomayekäsi 37 te sentencia'oisnye SUP-JDC-1862/2019, te' instituto elektoral'is, maka yankene wäkä sa'sa kyopurä te' yäserampä tzäki anhkimkuy kujti yomokoroya y pätkoroya, tes'erike maka kyetya'ä te' partito'omo tesorike wye'nya'ä myumupä te' kupkuyomoram.

Kyetyajukam myumu y ka' pyatyajpa jurPa kätkokätu te pät y ji sa'sa kyukwenayju, maka jyayetziyae wäkä kyowätzäjkya'ä y sa'sa kyora te' yomo y te pät jujztye kyeyajpa anhkimkuyjaye'is, pyäjkintzyonh'kuyomo, jujztye kejpa sentencia'omo SUP-REC-1183/2017 y te' kämetzekopujtkuy XII/2018, tumä pät ji' musi käkakä yomojin pe' te' yomo musjpa kyäkjakä tumä pänis.

Ka' ji tyesenh'aje y ji kyänatzäyoya'e, te' Konsejo tbaskopä'is maka tyajkojuwi mäyikäsi sonepänomo jikä patitoram, ja' yajk kopurä'ajkä kujti wäkä kyotyä'ä anhkimyajpapä y te' partido jinhte ma' pä jyamimya'a yätzäjkpasenh'omo myumupä tyotoram jujztye tzamatyāju, wäkante kyora te' yomoram ne' kyejayajuse.

KO'WENANTAM TZYÄJKTANPAPÄ'IS

Tumä. Yäkirampä jaye anhkimkuy maka pämpä'ki kyotzäjkyaajukam konsejo'is Tabaskopä.



INSTITUTO ELECTORAL Y DE PARTICIPACIÓN CIUDADANA DE TABASCO

*Tu participación, es
nuestro compromiso*

Metza'ajkuromo. Y kyewejayajpa wäkä kyetya'ä u myusya'ä erampä käsirampä ko'anhkimyajpapä tzapyarPäjumä 29 ko'wenan'omo.

Tu'kayomopä. Ka' tesenhomo te' kontisionh'istam, tzyäjknapujtyajpa'pä'is jayeanhkimi o te' wiyunhanhkimkuy INE'isnye, nyäpujtyajpa eyarampä anhkimkuyjaye jenerim sa'sa yajk wä'ajpapä'is yäserampä wakokyuy, jana nyä kispya'ä yomoram, kujti wyenya'ä anhkimkuy, tepä anhkimjaye makapäre winaje y yä'ä maka tzäyi käyi.

Majkskuyopä: Yäkirampä anhkimkuyjaye musjrapäre kyajpäya'ä te' consejo Tabaskopä'is, wäkä tyumätzyäkä te erampa jayejinh intipä te' Konstoitsion'omopä, anhkimkuyjaye electora'isnye o erampä tzaptumäajkuy myumupä INE'isnye, myumupä yä totojaye tesorike tyumäketyajpapä, yä'ä nyekänte makapä kyetya'e mäjarampä nkirawajinh anhmajajupä y tzyäjkwätzäkyä' ka te'se kyetyapa te' Consejojinh Tabaskopä y yä' totoanhku nyäkäpä.